

36242

簫心劍氣樓聯語
士申春
樂无

文762
9234



中国国家图书馆
NATIONAL LIBRARY OF CHINA

簫心劍氣
樓聯語

壬午年仲夏
余月上
竹子書為



中国国家图书馆
NATIONAL LIBRARY OF CHINA

自序
福州梁薩鄰中丞鈔纂楹聯附以記述名曰楹
聯叢話搜羅既富選擇亦精其膾炙人口宜也
余少時即好作對聯及長文字之酬應漸繁所
作亦漸多顧愜意者什不得一二冬夜無事偶
檢日記中所錄選存若干名曰簫心劍氣樓聯
語匪云小道可觀竊比自珍敝帚以視叢話有
精麤廣狹之不同矣辛未冬頌陀

蕭心劍氣樓聯語

蘇城滄浪亭省立第一師範校長楊君月如以事旅京墜車傷齒死焉輓以聯曰桃李盈門吳會至今思太斗風波平地長安幾輩鑒前車又代余季葑清作一聯世路崎嶇忍聽悲風動燕薊人材寥落不堪夜月弔滄浪

明湖劍華校書粗識之無能娓娓談紅樓席間索聯書佳人劍器錦瑟華年贈之又贈小銀曰

無錫孫肇坼頌陀



中国国家图书馆
NATIONAL LIBRARY OF CHINA

小樓春雨銀燭秋光

甲寅雙十節侍先君遊姑蘇見某處楹帖甚多
無有當意者爰擬一聯曰舊事怕重提拚幾許
頭顱博共和兩字良辰留紀念看大家額手祝
民國萬年

吾邑梅園爲榮君德生手創硯泉之上有室三
楹顏曰香雪海余以其襲舊且不能副其實也
贈以聯曰樹木十年此地合名小香雪太湖萬
頃浮生直欲老烟波梅園之有楹聯自此始

縣令爲親民之官不使久於其任斯視公署如
傳舍矣辛亥而後吾邑王知事召前於澄錫之
役處以鎮定不背保境安民之旨惜任職未久
而卒余爲地方事一再與之周旋知余能繪事
出箋索畫其卒也輓以聯曰何處覓飛鳧保障
繭絲應定論幾時歸化鶴畫圖杯酒有餘思又
代作一聯吾道中亦有傳人自東瀛游學歸來
燕薊已霑新教化公歿後應留治譜爲下邑宰
官生色驩虞如見古循良



有汪某者病猩紅熱卒內弟懷樸與有師生誼
余代撰輓聯曰小病無端先生竟殉猩紅熱大
招有賦歸魂應化鶴蒼涼後思猩紅熱對鶴蒼
涼工則工矣究有未安重擬一聯曰薤露悲涼
猶有傳薪感楊意梅天風雨不堪翦紙奠汪倫
虞山龐璧子倜儻不羣工詩古文辭惜不永其
年訃來爲聯輓之十年載酒吳中人呼小杜八
月修文天上我哭長沙
輓楊幹卿夫人問夫婿怎遺悲懷竟夕相思不

堪遙夜奈嫦娥先來接引中秋月好非復人間
又輓鄧傅若夫人杯酒憶新春中饋能賢眞內
助鼓盆傷往事故人又賦悼亡來
悼亡聯貴乎情真語摯一計工拙失其眞矣甲
寅冬先室華氏病歿哭以聯曰悼亡最怕中年
自愧黔婁累爾平生眉未展身世不堪後顧偏
憐弱息哭娘終古淚難乾女儀年才十三齡
某年九月六日徐氏子與陶女士結婚贈聯爲
賀城北華穠琴瑟百年崇合晉籬東鞠綻羹湯



三日正重陽

吾邑商品陳列所籌賑順直水災開鞠花會三天爲撰楹聯北直水深借箸相期囊共解西風

人瘦點金有術色同餐

皖商吳子敬築橋於蓉湖之上名曰吳橋其歿也邑人開會追悼余撰聯輓之異地同悲秋水

溯源問伊人何處有功則祀蓉湖利涉視溱洧何如

孫君譽韓之母朱太君卒時余任江蘇國語講

習所教員遂用白話文作聯好好喫飯不消半刻工夫死了做兒孫的似乎覺得難過怱怱去世沒有一點痛苦嘗着是福氣大所以這樣快當譚君召南見之携去翌晨往弔則已張諸素壁見者莫不掩口胡盧咸欲知作者姓氏一時頗爲所窘余輓以聯曰子是讀書人孫是讀書人哀啓一篇懿行所稱皆犖犖來時三月莫去時三月莫含飴半晌塵緣便了忒怱怱李督軍秀山暴卒代人撰聯輓之自古無不死

英雄看破那利鎖名纏落得烈烈轟轟做當代
軍人模範平生多可傳事蹟就把這救災興學
儘殼洋洋灑灑添中華國史光榮又代教育廳
撰聯曰半壁東南天柱折滿城風雨將星沈秀
山卒於重陽前一日致死之由言人人殊救災
興學聊以點綴身後云爾

錢翰芬女士鏡生姊也守貞不字歿後爲聯輓
之說什麼惠姬續史道韞吟詩那知東壁光寒
終古機聲昭淑德到而今煮粥爐空搗衣杵冷

從此西神月落滿山松影伴貞魂
有邱烈士者任俠好義癸丑之役烈士死焉邑
人開追悼會余輓以聯曰狹巷接短兵是真英
雄拚一死跳梁嗤小醜乃讓烈士有千秋
甲寅春與虞山季融五同邑華友廉客京華有
聲色之娛遇一妓曰玉仙溫文爾雅余集定盦
句勉求玉體長生訣不怨仙官識面遲十四字
贈之友廉笑曰玉仙妝閣得此生色不少
余與江陰孫士峨同列議席其子孟侯行婚禮

書聯賀之叙支派我出新安懸知肯構肯堂百
世應多亢宗子論丰度君猶年少笑看佳兒佳
婦一聲先賀阿家翁
沈孟起婚禮集詞牌名製聯爲賀王孫信滿庭
芳綠意紅情舞春風醉公子人月圓好事近個
儂多麗如魚水賀新郎
對仗之巧者大都信手拈來不假思索余爲女
子師範教員時爲豫備室擬一聯曰綢繆猶未
雨計畫在寅春

祝馮君誦芬七十壽累葉有聲是翁家傍梁谿
住替花寫照一笑春從庾嶺來馮君粵籍工畫
梅
吳士翹同年招飲席間拈經魚文酒筍瓜六字
各製詩鐘余先成曰酒邊瓜果輸櫻筍經世文
章飽蠹魚錢韻盦在座亦成一聯當時頗覺工
穩記得上句爲魚魯訛文瓜作必七字
壬子春有事羅谿得識施君槁蟬臨別賦詩羅
谿多風雅士一時和作如林歸後施君彙集成

帙並倩潘君琴生繪名花十友圖見贈嗣後施
君一再至吳門招余同遊先後各得紀遊詩若
千首自余客秦淮晉問稍疏和余秦淮餞春詞
爲最後之作訃來郵寄一聯輓之吳中消夏惟
公贏得清狂回思譜笑忘形不話滄桑卽談風
月論植品莫名一格是詞客是文豪是詩聖酒
仙也曾吐氣名場細雨劍門能賦當年重江左
白下閒吟如我猶憐蕭瑟正訝音書久寂胡因
癬疥遽了塵緣溯平生自足千秋亦沈雄亦放

誕亦纏綿俳惻猶憶落花時節數行絕筆餞春
有句到秦淮施君豪於飲工詩詞爲諸生時曾
考取闈屬經古第一賦題爲細雨騎驢入劍門
以重門洞開雙劍峯起八字見賞宗工爲施君
生平快意事故聯語及之
趙君藝經爲人誠篤工書病噎而歿輓以聯曰
人以書名松雪家風傳絕學食因噎廢鞠花天
氣賦招魂
壺園舅氏丹徒人宦浙最久著有招隱山房詩



集歿於戊午冬敬輓一聯曰人疑白傅重來袖
中詩本襟上酒痕餘韻悉收招隱集我比康公
有念北固雲歸西湖月冷吞聲怕讀渭陽篇
周侶漁姨丈與先君同歲遊庠客河南垂四十
年及率先君命代作輓聯泮水藻芹枯獨對醇
醪念公瑾梁園賓客散偏憐臥病老相如
符翁樵孫不卑小官不同俗吏摘其哀啓語而
爲聯曰見讀書人禮貌必加時流何幸逢青眼
佐府司獄嫌疑盡釋舉世猶多不白冤

吾邑青城市第十一國民學校十周紀念鄭生
際青來書索聯走筆應之曰問教育效果如何
種瓜種豆十年事論栽培因材而篤樹木樹人
對聯嵌字不易工穩卽工穩矣不免雕琢錫成
印刷公司新屋落成賀以聯曰錫麓拾春泥印
證因緣不數古今文字成功瞻夏屋刷新事業
更逢時序清和湯君化龍領袖進步黨爲仇家狙擊死海外時

論惜之季君融五屬代撰輓聯余應聲曰六年
進步如飛鷁萬里赴湯竟化龍季君默然余復
作一聯曰秋風颶耗同哭寢門其私仇耶抑政
敵耶豈無唆使奈自戕何不如漁父殉身猶得
主名成信讖滄海歸魂應悲祖國彼護法矣此
主戰矣今之從政如兒戲耳倘與松坡携手好
憑靈爽挽橫流壬子春梅園主人招飲索笑巡檐勾留半日因
集定盦詞成聯尋思脉脉心緒愔愔漠漠樓臺

年華閒中黯黯涼月珊瑚一枝灑灑濛濛香雪
落花風去恩恩孫君仲襄任吾邑視學有年輿論翕然遽以中
風卒輓以聯曰視學頻年自有邦人稱直道中
風頃刻爲招舟子過斜橋余季葑清與有杯酒
之雅余代作一聯公真學界明星望之如北斗
我記華筵末座相識在東鄰朱子灝同年之母葉太君卒輓以聯曰與賢郎
議政白門飮聞禮法知壽母增輝形史尤在修

齊又代作一聯相夫教子享壽至七十七齡底
事閨年逢厄運白馬素車會葬過九月九日那
堪風雨助哀思
王丈逸圃之喪外舅晚靜老人命代作輓聯由
讀書而遊幕而入官愧余遭際相同運會竟如
斯搖落秋風白門柳以共硯兼世交兼戚誼與
子切磋最久魂歸何處也淒涼夜月浙江潮王
丈浙人卒於秣陵
余因外舅之介得識楊君善徵其母丁太君卒

爲聯輓之血淚兩家枯憐我孤兒閨歲無端同
厄運母儀當代仰承先有子風雲他日慰重泉
時余適丁外艱
馮河間以副總統兼江蘇督軍其踐大總統位
也有去思焉及卒代江蘇教育廳撰勳業蓋天
下謳思徧江南十字輓之又代作一聯曰我公
以天下爲心讀遺稿千言要仗精誠回刼運時
勢本英雄所造歷政潮萬變獨持鎮定郤旋渦
河間爲人深沉政見雖近模稜地方則甚拜賜



云

代外舅撰聯輓汪君月秋海濱相見晚論交應
讓阿兄先最難忘雞黍款留有勞東道潭水比
情深送我彌增知己感又豈料魚書未達忽報

西歸沈君泊塵精繪事尤長諷世畫與內弟武曹友
善及歿代武曹作輓聯往事化秋烟記曾攬勝
昆明湖水湖雲都入畫浮生感朝露任爾登場
傀儡繪聲繪影更無人沈君與武曹旅京時曾

同遊昆明湖繪湖景以歸
季融五母陳太君卒於除夕其治喪也屏去浮
文不循俗尙余爲聯輓之解脫殘年悲曆巧革
除陋俗答親慈又作一聯曰有無稱家一遵聖
賢的遺訓風俗改善斷自太夫人之喪猶憶融
五重闈稱慶時余祝以一聯頗膾炙人口聯曰
祖母九旬慈母七旬四代同堂雙壽母新春二
月舊春正月萬年合曆一家春
有某氏子以商業起家營第宅收房租其母則

貨廡居流芳聲巷常語人曰什麼叫做福氣死後有兒孫哭拜於願足矣及卒余友某君屬代作輓聯某君與某氏子有甥舅之誼頗難下筆既而成一聯白福氣古來難有兒孫哭拜如儀要算人間無缺憾秋風搖落易看鍾郝典型宛在卽歸天上亦流芳輕描淡寫於甥舅之情無傷可以愧某氏子矣

唐師健伯六旬壽集摩詰少陵句奉祝聯曰閉戶著書多歲月先生有道出羲皇

吾鄉樹滋小學廿周紀念貽以聯白廿年世變滄桑差幸樹人能久遠三月花開桃李要他滋長在栽培無錫旅滬同鄉會自建會所於七浦路爲撰楹聯懸諸廳事如在梁谿不須貨廡相逢歇浦等是勞人輓張翁石軒小官不卑爲養親應爾大德得壽於先生見之翁遜清浙江典史八十考終辛酉客海上識丹徒康君炳春康君豪情勝概

不類闔閭中人某日同遊半淞園攝影見貽嗣
後馳驅關外鬱鬱以歸未及重逢而訃至爰製
輓詞聊寄感愴涉世亦辛勞關外言歸息轍幾
時聞噩耗記遊尋舊夢圖中影在名園回首臘
斜陽

錢君瑞生與外舅交稱莫逆其歿也外舅命代
撰輓聯舊事溯從頭回思早歲訂交意氣相投
有無與共迨河南皖北各綰銅符世變感滄桑
我方奉諱君亦歸田最難忘騎從渡江往弔奚

慙古高士索居驚撒手猶憶當年作客平山品
茗茶社看花自贊盡春殘久羈鐵甕東邀具雞
黍踐約未遑遊仙不返念此際鸞離競賦來生
莫作有情人錢君姬妾甚多是聯本在刪汰之
列外舅以爲詞能達意故存之

應吾鄉陳效近之請爲陳同甫先生祠撰楹聯
上書詣闕文章氣節重千秋數典允宜徵信史
故里名祠俎豆馨香垂百世傳人至竟是儒林
辛亥而後先君曾邀同案七人攝影題曰芹藻

餘芬圖并爲之記姑丈錢公祖耆與焉姑丈旣歿余敬撰輓聯曰公應含笑重泉試看玉樹交輝當世知名能有幾我亦愴懷先澤從此芹芳更少披圖不覺淚潛然上聯謂子泉孫卿表弟瀏河某姓被盜其鄰人某甲聞聲疾呼盜發鎗某甲死焉項君惠卿爲料理身後並屬余代撰輓聯狗偷鼠竊何事干卿憐渠振臂一呼擒賊不成先飲彈披髮纓冠交鄰有道令我撫膺太

息遺軀未殮待張羅
曩客秦淮俞君丹石時相過從自俞君旅食京華遂不通音問忽得訃告製聯輓之曰亦狂亦俠並世無多忍相忘小閣孤燈浮白縱談傷往事一死一生交情乃見最難得卅年舊雨悼丹家有錄慰重泉時病驥有悼丹錄之刊且存問其代外舅輓沈君守知鴻雪記前因屈指賓朋祇有吳興稱莫逆蟲沙哀浩刼側身天地可知楊

意亦頽唐

輓朱翁葆三耆舊感晨星德望允孚雅有令名
動中外風塵驚湧洞精誠所至可能刱運挽東
南朱翁在闔閨中有令譽江浙風雲正在醞釀
中故云癸丑春余在邑城創設乙種師範曾賃侯君冠
清住宅爲校舍訃來撰聯輓之曰識君在癸丑
春初曾假高齋開講席聞訃正鄉關秋盡爲吟
同穴當哀辭其夫人先十日死

丙寅九月遊龜頭渚小憩於廣福寺興到口占
一聯書就後倩周君梅坡飭工製板懸寺壁聊
以紀遊香火前因偶到禪房話桑海湖山無恙
始知人境有桃源
王翁欣甫浙人宦於蘇歷宰七邑所至有聲年
八十二卒距重諧花燭之期僅數十日耳爲聯
輓之大江南北現宰官身當年化洽琴堂載道
循聲傳七邑兩浙東西多壽者相倘許重諧花
燭一時佳話足千秋



梅園忽於深秋放牡丹余旣賦詩紀之主人將
建閣於許山之巔余曰是宜名秋丹並撰聯曰
九月釀小春名花秋放萬頃收一閣勝境天然
嗣閣未建聯亦未果贈
王君一亭茹素禮佛勇於爲善其六十壽撰聯
祝之是天下善士作海上神仙
丁卯正月十二日因事宿太湖飯店見楹帖猶
缺如爲撰一聯曰何須谷隱巖棲屋舍儼然一
角湖山新點綴休問鴻來燕去園林無恙千株

香雪殼留連時梅花初放冷香襲人
輓馮立之滄海尙橫流不恤佯狂拚一死華年
傷逝水最難慰藉是重闢立之爲蒿老嗣孫得
狂疾仰藥卒年未三十
丁卯四月朔日爲外姑徐夫人七旬正壽時外
舅姑避亂海上余爲治麵稱慶並製聯敬祝曰
眷屬擬神仙時序清和共仰婺星輝海上兒孫
承福蔭詩吟偕老儘教歲月駐壺中
輓胡君明復聯曰算術是專家太息東南成絕

學中流失砥柱評量人物此清流胡君任東南
大學數學教授以游泳死於非命又代撰一聯
曰孰挽橫流援手莫教天下溺不堪洄溯招魂
合向水中央
馮蒿老之喪輓以聯曰由詞曹晉擢封疆是光
宣有數名臣最傷心北極朝廷西山徽蕨以耆
舊力行慈善爲中外羣黎託命祇難挽神州浩
刲滄海橫流又代外舅文章政事彪炳千秋記
曾皖水宦遊三載相依夙荷春風噓小草陵谷

滄桑愁遺一老溯自申江棲隱萬方多難不忘
飢溺振中華又代內弟武曹科名仕宦尤難碩
德耆年哲人型典猶存祇歎東南遺老盡後樂
先憂莫問江湖廊廟小子浮沈無狀每懷今昔
感恩多
輓吳君子青有弟能文爲敘生平皆實錄無兒
何憾卽論著述亦傳人子青好讀書頗有著述
選閑之兄
輓顧君涵若家庭大節手足恩情讀阿兄哭弟



文章不知是淚是墨管略匡時厄談傳世以末
秩救人急難居然亦俠亦儒
沈西苑喪偶訃來輓以聯曰悼亡細訴平生到
而今鰥枕淒其爲誰消瘦戒殺獨先中饋望舉
世屠刀放下挽此淪胥
吳岳翁之喪內弟懷白屬代撰聯輓之道子風
流偶託丹青娛晚歲梅村老去一時耆舊此傳
人或曰是可移輓吾邑江南布衣余無以應付
諸一笑而已

蕭心劍氣斐然語
十八

輓廉君慰恃海上始逢君記曾半日偷閒導引
參觀勞指點人間何所戀只是孤兒猶小扶持
成立屬伊誰余初來海上廉君導引各市場參
觀故云
輓從兄詢芻蚤歲科名中年仕宦經營實業晚
景從容歷數生平遺憾少新居甫卜老病漸侵
環顧同堂晨星搖落低回身世愴懷多
輓嚴肖蘭夫人三賦悼方詩知夫君莫遣悲懷
眷念重泉聊述德終違偕老願奈兒女未完婚



嫁主持中饋又何人
無錫鐵路飯店落成贈以聯曰無事此勾留
錫麓清遊鐵馬莫教吹別夢路人勞指點飯緣暫
結店雞乍唱最關情嵌字雖能自然究落小樣
榮公熙泰八旬紀念代無錫旅滬同鄉會撰贈
一聯後起能賢名聞海上先生來格春滿山中
宗敬德生昆季蜚聲實業界舉行紀念在梅園
李翁平書既歿門人私謚曰通敏輓以聯曰百
粵留去思似此循良不復作萬方正多難謚之

通敏無間然
湘人李春波任職申新第五紡織廠保全部歿
後代榮君宗敬輓以聯曰人材多出衡湘方期
稱職保全風雨同舟資臂助世事莫非露電最
是闔門淒絕鄉關歸櫬倍心傷時紡織界多湘
人輓竇丈叔英泮水獨重遊芬餘芹藻圖無恙德
門稱鼎盛飽歷滄桑世可遺跋云世丈與先君
同受知於童薇研宗師甲寅春先君邀同案七

人合攝一影題曰芹藻餘芬圖十餘年來圖中
人相繼凋謝丁卯重遊泮水惟世丈一人今春
遽歸道山撫今追昔能毋黯然
輓從兄鶴卿師事記當年治生經世自愧弗如
尤難善與人同三教會心能貫澈仙遊過六秩
慧業塵緣卽今都了惟冀式憑靈爽孤兒有母
好扶持兄蚤歲有文名城居後隱於商余十五
歲時曾師事習八股文云又代輓歷字竟誤書
鏹羽名場成一笑善人難再見扶輪國學亦千

秋某科鄉試兄以誤書一字被擯晚年創辦國
學專修館
外舅七旬壽賦述懷詩和者無慮數十家余撰
聯敬祝百歲老能偕自有桂蘭娛愛日七旬懷
可述定多珠玉和陽春
黎黃陂旣沒代友撰聯輓之旋轉溯元勳況有
遺言傳薄海澄清違素願允宜息影臥滄江
輓蔡公時生死亦何常禦侮折衝碧血丹心垂
痛史威武不能屈成仁取義河聲岱色壯英魂

蔡君任山東交涉員被難
王君禹卿旣闢蠡園湖上草堂尙無楹帖爲撰
一聯眼前風景不殊宛披摩詰畫圖別墅輞川
開粉本湖上秋光如許可有漁洋詩筆夕陽疏
柳寫新詞

某名伶年二十宴集徐園撰聯以張之法曲霓
裳名園高會清尊雅集弱冠華年又代人撰聯
贈朱傳茗爭傳妙舞翻新曲淪茗清談愜素心
傳茗工崑曲色相亦佳

輓張竹君藝術重當時從此九龍應失色華年
符大衍微聞雛鳳有清聲竹君設老寶華照相
館於二泉亭上其子已畢業某大學云
余十年前寓邑城小河上孫應高新宅從兄鶴
卿之喪應高實襄助之余與同舟赴惠麓談笑
甚歡不十日而訃至輓以聯曰同舟譖笑曾幾
時不信浮生真若夢負廡交期猶似昨重過河
上每思君
輓譚召南十七年交誼長此心儀棋局如斯竟

不留遺碩果六五載韶光焉知老至酒仙去也
那堪重過方壺余與召南同客秦淮一別十年
忽來話舊遂觴於方壺酒家意興之豪不殊疇
昔別去一月卽聞薤歌曷勝感愴
內姑母楊夫人歿於京師外舅自金陵馳書命
代撰輓聯覲面在十二年前爲數遭逢偏多拂
逆所幸夢梅留稿畫荻成名繩武亦能賢方欣
耄耋可期垂老南還常聚首招魂向三千里外
無多骨月更痛凋零猶憶慶祝寄詩平安傳語

板輿待迎養胡竟人天永隔嗟予北望愧燃鬚
內姑母著有夢梅仙館吟稿
十八年元旦邑人公讌於池上草堂余因事返
錫得與盛會撰聯爲賀共祝千春置酒高會相
逢一笑今夕何年
輓陳孽卿年丈江淮耆舊自千秋遺稿允傳十
六卷魯鄂官聲垂萬古大年竟限八三齡
祝華翁觀韓八十壽花縣宰官身康強猶昔蓉
湖仁壽額頌禱于今華翁曾知太湖縣事又修



芙蓉圩圩人於其七十時贈匾曰仁壽云
鄒同一夫人歿於元旦生前好讀列女傳分離中道元
旦便爲隔世人
聯曰無愧大家平生愛讀列女傳分離中道元
過君探先精研農學未到中年遽爾云亡撰聯
輓之稼穡艱難謀國無如足衣食華年摧折何
人繼起啓山林
輓張吳惠如銜哀有啓綜姨母祖慈嚴君之言
淚墨所凝皆實錄治內餘閒惟山水明月讀書

爲念清才儘殼損華年
輓榮君寶寅鵠鵠弔影雛鳳銜哀身世如斯無
可說殘臘開樽莫春讀畫音塵猶昨豈忘懷
輓蔣君仲懷九峯之陽吾見剛者六藝通數公
是傳人蔣君精數學爲人剛正不阿
輓吳老畫師觀岱畫稿流傳驚海內布衣老去
哀江南觀岱自號江南布衣
爲秣陵飯店撰楹帖秣馬來遊莫道光陰過客
陵谷遷變還問逆旅主人飯店在南京慧圓街

昔日朱門今爲傳舍殊有陵谷之感云

周君梅坡築室城隅有人租借開飯店顏曰新聚豐爲撰楹聯食譜新翻人如星聚市樓買醉

時際年豐

代外舅輓江桐川客居皖上辱在同寅親故半凋零翁是信天幸有佳兒能繼武哀此江南不遺一老秋風太蕭瑟我傷來日從今話舊更何人又代輓張玉甫清淮舊雨已無多纔哭江郎又痛老成凋白下滄海橫流猶似昨緬懷張翰

獨留遺愛在吳中

輓再從兄景蘇由儒而吏差足揚眉十八年家衡蟄居臥病詎期歌薤露作客依人每疏聚首三百里鄉雲在望輓詞空自憶蘭芬兄於清季考職得巡檢所居爲蘭芬書屋挽錢翁理甫與文孫自昔締交知公杖履優游積善一生尤惜字論著碩卽今有數舉世干戈擾攘同堂五代是全歸錢翁爲芥塵之祖何君立三知醫自號醉痴生招飲撰聯酬之自

號醉痴偏解事人羣痛癢最相關
苟郎慧生南來奏藝一時興到爲撰數聯彙錄
於下男兒聰慧過人等是成名偏嚼曲我輩浮
生若夢何妨對酒復當歌慧心具畫意詩情倘
許過江名士豈宜遺鞠部生性近舞衫歌扇自
然傾國衆香無語奉花王慧業須尋文字外生
涯聊寄管絃中華年慧思活色生香
輓從叔厚甫八旬稱慶擬貢詩篇奈何舞輶萊
衣未舉壽觴先解脫一老靡遺每傷吾族際此

時艱蒿目遽離塵網是全歸從叔擬於元宵後
稱慶余賦詩奉祝未及繕寫老人竟於春前解
脫吾族失一老成人滋可傷已
王君禹卿築蠡橋於仙蠡墩邊屬題橋柱猶是
濟人收拾風波占利涉不須喚渡溝通鄉道此
權輿開原揚名兩鄉相隔一水
惠山公園楹帖甚多余擬一聯自謂恰到好處
曾日月幾何猶是園林歸有衆占谿山勝處無
多花木自成春

輓徐君徽生養母傭書著作日短無兒有後死
生交深徐君好學無子旣卒其好友錢孫卿以
幼子錢寶子之子泉復狀其行誼以詔當世交
誼若是洵足風世

王文正公新祠落成王君堯臣屬代撰楹聯數
典記魏國榮封配享廟廷名垂萬古報功明錫
山世系聿新祠宇派衍三沙

榮君鄂生築別墅於中犧山之巔曰小蓬萊山
館顏其廳事曰醉樂堂重九集邑人觴詠於此

余贈兩聯忘機烟水心無滓得住蓬萊骨欲仙
武進莊蘊寬書結構踞中峯三山咫尺萬頃汪
洋勝境當前皆入畫登臨逢九日鼈渚烟波蠡
園風月俊遊到此欲忘歸崑山吳鶴書署余名
汪君明甫性直好盡言其歿也輓以聯曰豪氣
薄雲霄罵座能狂稱直諒深情比潭水尊經有
願費商量時汪君有重刻四子書之議

輓方太君與仲子交卅載餘禮法飫聞非一日
維太君壽八旬外閨門矜式有千秋太君程君



頌嘉之母

裘君昌運歿於大連設奠海上撰聯輓之伏枕作哀鳴遺囑三章語淒絕高堂猶健在一棺萬

里魂歸來

余因龐君鏡新之介識蔣爾康每逢餐聚座有
蔣君其歿也爲聯輓之倘歸舊徑三三定有吟
魂驚歲晚誰與消寒九九不禁感逝到尊邊
常州醬園公所落成爲友人代製楹帖處內見
禮經從知七事關心日用未宜後茶醋羣居勵

道義卽此一堂聚首風光大抵是酸鹹
代人輓寒雲身世難言詞賦江關空寄慨華年
逝水烟霞風月殼銷魂世有知寒雲者當知是
聯非泛語

辛未三月望日吾邑五老舉行重遊泮水典禮
在庠同人亦得隨班謁聖余敬撰一聯饗宮泮
水無恙耶一老偕四老重遊於斯爲盛科第功
名今安在先進與後進咸集吾道不孤五老者
外伯舅筱荔暨丹翼松雲石漁仁山諸丈外伯



舅同治辛未入泮距今適六十年
輓王君耀祖截鐵治絲生平事業能柔克外瘡
絕症醫徧中西到死休王君以鐵業改營絲業
致富戴鶴皋表弟五旬雙慶郵寄一聯祝之歲月儘
寬閒詞賦賓朋宜縱酒湖山容嘯傲詩人眷屬
亦疑仙鶴皋工詞賦久住西湖
代外舅輓樊山冀北隕文星三萬首詩稿留遺
晚歲詞華動燕市江南思愛日二十年滄桑歷

刼使君治化在秦淮
吾邑東大池風景絕勝有人擬於白沙泉上築
一亭爲遊人休憩之所余爲撰一聯偶臨青草
池塘俗慮全消疑世外閒試白沙泉水清流有
數只山中
余曾應徐君可亭之約作東亭遊其兄述祖招
待良殷及歿郵寄一聯輓之鄉居臥病已多時
譽滿梓桑先生去也水閣清尊思舊事情深手
足介弟傷哉

輓黃君搢臣一死了萬緣地下休言身後事十年真頃刻尊邊每憶酒中仙
大成劇社假天蟾舞臺演劇助賑爲書楹帖贈之權作劇中人四座何妨評色相誰援天下溺一錢從不落虛空
輓外姑徐夫人是眞福壽全歸擺脫塵緣未了愛憐惟少女從此音容頓杳淒涼甥館無言慰藉到衰翁外姑歿於辛未九月時內姨隨宦海外外舅已七十三齡悼亡忽賦傷可知已

鄒聞磬同年春初過訪贈以詩存及綴珍集與談時事則默無一語訐來輓以聯曰春初索我詩存太息不談天下事訐到爲公論定平心無愧學中人
應丁君梓仁之屬爲丁滁州公祠撰楹聯雙桂有千秋溯源州仕宦歸來終古馨香綿舊德九峯分一脉自下折子孫蕃衍卽今輪奐輓以聯辛未夏初南湖來書並貽夢還集及歿輓以聯曰短札如新一卷夢還成讖語靈山終古雙龍

潭柘護吟魂南湖營生圹於潭柘山中相傳山
有靈蛇二日大青小青墓門題額曰雙龍永護
寒厓手筆
輓外舅晚靜老人七四齡含笑歸真清白傳家
循吏千秋應定論六百里哀音遞至干戈滿地
憑棺一慟竟無期外舅卒於壬申正月二十八
日距外姑之喪纔四閱月耳時滬變猝發道梗
不果行敬撰輓聯聊寄哀思





中国国家图书馆

NATIONAL LIBRARY OF CHINA